

Papsturkunden in Frankreich. Band 5: Touraine, Anjou, Maine und Bretagne., Nr. 258

Lucius episcopus seruus seruorum Dei. Dilectis in Christo filiabus Hadoise priorisse monasterii sancte Marie de Moretonio eiusque sororibus tam presentibus quam futuris regularem uitam professis in perpetuum. Quanto magis ex dono diuine gracie fueritis contagionis expertes sub districtiori regula sponsi uestri Iesu Christi exspectantes aduentum, tanto amplius uestro conuenit monasterio apostolica protectione muniri, ne cuiuslibet malignitatis incursus uos et uestram quietem perturbet uel uestros, quod absit, animos a desiderabili eiusdem sponsi exspectatione suspendat. Eapropter, dilecte in domino filie, uestris iustis postulationibus clementer annuimus et monasterium uestrum, in quo diuino estis obsequio mancipate, felicitis recordacionis Alexandri pape predecessoris nostri uestigiis inherentes sub beati Petri et nostra protectione suscipimus et presentis scripti priuilegio communimus. Imprimis siquidem statuantes, ut ordo monasticus, qui secundum Deum et beati Benedicti regulam et institutionem Cisterciensium fratrum in eodem monasterio institutus esse dinoscitur, perpetuis ibidem temporibus inuiolabiliter obseruetur. Preterea quascumque possessiones etc. In quibus hec propriis duximus exprimenda uocabulis: locum ipsum, in quo memorata ecclesia sancte Marie de Moretonio constructa est, cum omnibus pertinentiis suis, ex dono Willermi comitis de Moreton nouum burgum de Moreton cum tota terra, quam habetis inter Cantiam et Cantiolam, sicut fossatum Anglevortesche tenet, ex dono eiusdem comitis extra fossatum terram duarum carrucarum, molendinum subter ripam, in nouo burgo furnum, teloneum, feriam, molendinum et ecclesiam sancti Hilarii cum omnibus ad ipsam pertinentibus, terram Uuidelonde et duas piscarias, in Ger tres carrucatas terre, terram Troped, apud Tenerchebraium unam medietariam et in foresta boscum ad ignem et ad edificia domorum et ecclesie, sicut prefatus comes hominibus quoque eiusdem mortuum boscum ad necessaria et pasturam et quietantiam in omni terra sua concessit, ex dono Stephani regis Anglie et Willermi comitis Moretonensis filii eius quadraginta quartarios frumenti in molendinis Moretonii et quadraginta solidos census de redditu de Tellolio et totum dominicum suum de Montefau in omnibus rebus et unam fabricam ad ferum in Landa Putrida, ex dono Rogeri Bacon XXV sextarios frumenti in Langron, ex dono Richardi de Esti totam terram, quam habuit mater sua in Surdaualle, ex dono Hugonis Potini totum feodum de Suspensis in Surdaualle consentiente domino feodi, ex dono Radulfi de Channio terram Osmundi in pomena et in fago, ex dono Matildis terram, quam ibi habebat, ex dono Malonis et uxoris sue apud Abrincas dimidiam uineam suam, dimidiam uineam ex dono Tustini filii Oberni, uineam, quam dedit uobis Rod(ulfus) Cain, ex dono Willermi Roselli mansuram unam uiginti acrarum terre et unum campum reddentem unam minam frumenti, ex dono Adam de Maleherbe septem mansuras super Pontem Ag, ex dono Roberti filii Girardi in Maisnillo Gillebert quadraginta acras terre et in Monte Faultrel decem, ex dono Roberti filii Osberni in Rufa Uitula LX acras terre, ex dono Gaufridi de Saeyo suam medietariam de Bellomonte, ex dono Roberti de Biac C acras terre et duas acras prati, ex dono Algari Const(antiensis) episcopi consentiente Gilleberto de Pratariis dimidiam ecclesiam de Campo Repulso cum pertinentiis suis, ex dono Rogerii de Campania et uxoris sue totum illud, quod habebant in uilla de Uenions in terris et pratis, ex dono Hugonis Murdac quinque quartarios frumenti in molendino suo de Murdachiera, ecclesiam de Balena, ex dono Roberti filii Bernardi unum modium ordeï in molendino de Maie, ex dono Roberti Delmeth dimidium modium ordeï apud molendinum, ex dono Gilleberti de Pratariis cum

pertinentiis suis, ex dono priorisse uestre LX aeras terre in Colommeio et boscum unum, decem libratas terre, quas dedit uobis comes Willermus filius regis Anglie, centum solidatas in Listareth et centum in Aratone, tertiam partem ecclesie Decarum cum omnibus ad eam pertinentibus, totam decimam Decarum de dominico Rogeri de Mathon et hominum eius, ecclesiam de Coloureio cum omni integritate, ecclesiam de Appenticio, ecclesiam s(ancti) Michaelis de Petra, decimam molini Oliuerii de Monte Escot et decem acras terre, quas ecclesie uestre donauit, ex dono Willermi fratris regis quadraginta solidos Andegauenses in manerio, quod sancte Marie nominatur, ex dono regine Matildis decem libras Rothomagenses in feria de Monte Martini, ecclesiam de Gathemo, ex dono Richardi Paynel unum quartarium de uinea, ex dono Ernulfi Bontens unum quartarium de uinea, ex dono Roberti de Nufmers tres sextarios frumenti, ex dono Iuonis Raumanger dimidium arpentum, ex dono Petronille Cadomi XII quartaria frumenti. Sane laborum etc. Liceat quoque uobis personas de seculo fugientes liberas et absolutas ad conuersacionem uestram recipere et eas absque contradictione qualibet retinere. Prohibemus insuper, ut nulli monialium uestrarum fas sit post factam in eodem loco professionem sine priorisse sue licentia de claustro uestro discedere; discedentem uero absque communium litterarum concessione nullus audeat retinere. Paci quoque etc. Decernimus ergo etc., salua sedis apostolice auctoritate et Cisterciensis abbatis debita reuerentia. Si qua igitur etc. Cunctis autem etc.

R. Ego Lucius catholice ecclesie episcopus.

Ego Theodinus Portuen(sis) et s(ancte) Rufine sedis episcopus.

Ego Henr(icus) Albanen(sis) episcopus.

Ego Theobaldus Ostien(sis) et Uellitren(sis) episcopus.

Ego Iohannes presb. card. tit. s(ancti) Marci.

Ego Laborans presb. card. s(ancte) Marie trans Tiberim tit. Calixti.

Ego Guill(elmus) Remorum archiepiscopus tit. s(ancte) Sabine card.

Ego Hubertus presb. card. tit. s(ancti) Laurentii in Damaso.

Ego Pandulfus presb. card. tit. basilice XII apostolorum.

Ego Arditio diac. card. s(ancti) Theodori.

Ego Gratianus s(anctorum) Cosme et Damiani diac. card.

Ego Sofredus sancte Marie in uia lata diac. card.

Ego Albinus s(ancte) Marie noue diac. card.

Dat. Veron. per manum Hugonis sancte Romane ecclesie notarii IIo kal. nouembris, indictione IIIa, incarnationis dominice anno Mo. Co. LXXX. IIIIo, pontificatus uero domni Lucii pape III anno IIIIo.